

ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТРЛІГІ
ҰЛТТЫҚ ТЕСТІЛЕУ ОРТАЛЫҒЫ

ЖАДЫНАМА

Ұлттық бірыңғай тестілеуді тапсыратын орта білім беру ұйымдарының өткен жылғы бітірушілері мен техникалық және кәсіптік немесе орта білімнен кейінгі білім беру ұйымдарының бітірушілері үшін

АСТАНА
2019 ЖЫЛ



"Ұлттық бірыңғай тестілеу (ҰБТ) - жоғары және (немесе) жоғары оқу орнынан кейінгі білім беру ұйымдарына түсуге арналған іріктеу емтихандарының бір нысаны"

"Білім туралы" Қазақстан Республикасының Заңы

ҰБТ-ға қатысуға өтініш беру үшін белгіленген мерзімде жоғары оқу орындарының (ЖОО) қабылдау комиссиясына баруы қажет.

Өтініш қабылдау мерзімі

1 сәуір мен

10 мамыр аралығы

ҰБТ өткізу мерзімі

20 маусым мен

5 шілде аралығы



«Орта буын маманы» немесе «қолданбалы бакалавр» біліктілігін алған, техникалық және кәсіптік немесе орта білімнен кейінгі білімі бар адамдарды ЖОО-ға қысқартылған оқыту мерзімдерін көздейтін жоғары білім кадрларын даярлаудың ұқсас бағыттары бойынша ақылы негізде оқуға қабылдауды ЖОО-лардың қабылдау комиссиялары жазбаша емтихан нысанында жүзеге асырады.



ҰБТ-ға қатысу үшін бітіруші келесі құжаттарды ҰБТӨП-ке тапсыру қажет:

- 1) белгіленген үлгідегі өтініш (алдын ала онлайн-өтініш беру мүмкіндігі бар);
- 2) 3 x 4 сантиметр көлеміндегі екі фотосурет;
- 3) орта, техникалық және кәсіптік немесе орта білімнен кейінгі білімі туралы құжат (түпнұсқа);
- 4) жеке басын куәландыратын құжаттың көшірмесі;
- 5) 086-У нысанындағы медициналық анықтама;
- 6) тестілеуге қатысу үшін ақы төлегені туралы түбіртек.

ҰБТ-ға қатысуға өтініш берген оқуға түсушілерге құжаттарды қабылдау туралы қолхат беріледі.



Ескерту*

Бұл ретте, техникалық және кәсіптік, орта білімнен кейінгі білім беру ұйымдарының күнтізбелік жылғы бітірушілері білімі туралы құжаттың орнына білім алған мамандығының (біліктілігінің) коды мен атауын көрсете отырып, өзі оқыған білім беру ұйымы беретін, ағымдағы жылы оқуды аяқтағандығы туралы анықтама береді.



Тестілеу ақылы негізде өткізіледі, тестілеу құны - 2242 теңге.

Төлемді Қазақстан Республикасының екінші деңгейдегі банкінің барлық кассаларында жүргізуге болады. Сондай-ақ "Қазақстан Халық Банкі" АҚ терминалдары арқылы ақы төлеуге болады.





Тестілеуге кіру үшін өзімен бірге:

1. Жеке куәлік;
2. Тестілеуге рұқсаттама;
3. Қара немесе көк түсті қалам болуы керек.

ЖҰМЫС РЕТІ

1 Жауап парағының қызметтік секторларын МҰҚИЯТ толтырыңыз

2 Кітап баспасының бүтіндігін, толықтығын және сапасын тексеріңіз

3 Тест тапсырмаларын орындап, жауап парағын толтырыңыз


4 Жауап парағын және кітапшаны аудитория кезекшісіне тапсырыңыз



ҰБТ өткізу кезінде оқуға түсушіге:




Министрлік өкілінің рұқсатынсыз және дәліз кезекшесінің ілесіп жүруінсіз аудиториядан шығуға;




Әңгімелесуге, орын ауыстыруға, тестілеу материалдарымен алмасуға, аудиториядан тестілеу материалдарын шығаруға;



Ұялы байланыс құралдарын және басқа да электрондық құрылғыларды пайдалануға;



Тестілеу материалдарын (жауап парақтарын және кітапшаларын) умаждау арқылы бүлдіруге;



Түзетуші сұйықтықты пайдалану арқылы қарастырылмаған секторларды бояуға (жауап парағының нөмірі) жол берілмейді.



Тестілеу уақыты аяқталғаннан кейін тестілеу материалдарын кезекшіге тапсыру қажет, уақыт өткеннен кейін материал қабылданбайды.



Оқуға түсушілер аудиторияда тәртіп ережелерін бұзған жағдайда тестілеу нәтижелері өңделмейді және жойылады.



Толық оқыту мерзімдерін
көздейтін оқуға түсушілер үшін

Қысқартылған оқыту мерзімдерін
көздейтін оқуға түсушілер үшін

1. Тестілеу ұзақтығы

3 сағат 50 минут.

1 сағат 40 минут.

2. Тестілеуді тапсыру тілі

Түсушілер қалауы бойынша қазақ немесе
орыс немесе ағылшын тілінде

Түсушілер қалауы бойынша қазақ немесе
орыс тілінде

3. Тестілеу пәндері

1. Міндетті пәндер:

- Математикалық сауаттылық;
- Оқу сауаттылығы;
- Қазақстан Тарихы.

Ұсынылған бес жауаптан бір дұрыс жауапты таңдау ұсынылады.

Әр пән бойынша тест тапсырмаларының саны - 20.

2. Бейіндік пәндер:

- Бірінші бейіндік пән;
- Екінші бейіндік пән.

1-20 аралығындағы тест тапсырмаларында берілген бес жауап нұсқасынан бір дұрыс жауапты, 21-30 аралығындағы тест тапсырмалары бойынша бір немесе бірнеше дұрыс жауапты (3-тен артық емес) таңдау талап етіледі.

Әрбір бейіндік пән бойынша тест тапсырмаларының саны - 30.

1. Жалпы кәсіптік пәндер;

Ұсынылған бес жауаптан бір дұрыс жауапты таңдау ұсынылады. Пән бойынша тест тапсырмаларының саны - 20.

2. Арнайы пәндер

1-20 аралығындағы тест тапсырмалары берілген бес жауап нұсқасынан бір дұрыс жауапты таңдауды талап етіледі; 21-30 аралығындағы тест тапсырмалары дөңгелекшелерді толық бояу арқылы бір немесе бірнеше дұрыс жауапты (6-дан артық емес) таңдауды талап етіледі; 31-40 аралығындағы жағдаяттық тест тапсырмалары сәйкес бір дұрыс жауапты таңдау арқылы белгіленеді.

4. Халықаралық сертификаттар

шет тілін (ағылшын) меңгергенін растайтын IELTS - 6.0, TOEFL ITP - 310, TOEFL IBT - 79 баллдан кем емес халықаралық сертификаттары бар адамдар қалауы бойынша

«Шет тілі (ағылшын)» бейіндік пәні бойынша тестілеу тапсырудан босатылады.

«Шет тілі (ағылшын)» арнайы пән бойынша тестілеу тапсырудан босатылады.

5. Шығармашылық білім беру бағдарламаларын таңдағандар:

- оқу сауаттылығы;
- Қазақстан тарихы.

- арнайы пән.



**ҰБТ нәтижелерін мемлекеттік
комиссия оны өткізген күні
жариялайды**

**Тестілеуді өткізу орны бойынша
ақпараттық стендке ілінеді.**

**Сондай-ақ тестілеу нәтижесімен
www.testcenter.kz сайтынан танысуға болады
(Тестіленушінің ТЖК және ЖСН енгізу арқылы)**

**Нәтижелермен келіспеген
жағдайда тестіленуші
апелляцияға бере алады.**



Апелляцияға өтініш ҰБТ нәтижелері жарияланғаннан кейін келесі күні сағат 13.00-ге дейін қабылданады және апелляциялық комиссия бір күнтізбелік күн ішінде қарайды

Апелляция мынадай жағдайларда қарастырылады:

Мазмұны бойынша:

- 1) дұрыс жауап дұрыс жауаптар кодымен сәйкес келмесе (дұрыс жауаптың нұсқасы көрсетіледі);
- 2) дұрыс жауап болмаса;
- 3) берілген барлық жауап нұсқасынан бір дұрыс жауапты таңдауға арналған тест тапсырмаларында бірден көп дұрыс жауап болса (дұрыс жауаптардың барлық нұсқалары көрсетіледі);
- 4) тест тапсырмасы дұрыс құрылмаса;
- 5) тест тапсырмасы шартының фрагменті (мәтін, сызба, суреттер, кестелер) табылмаса, соның нәтижесінде дұрыс жауапты анықтау мүмкін болмағанда.

Техникалық себеп бойынша:

- 1) дұрыс жауаптар кодымен сәйкес келетін боялған дөңгелекшені сканер екі және одан көп дөңгелекше ретінде оқыса;
- 2) дұрыс жауаптар кодымен сәйкес келетін боялған дөңгелекшені сканер бос дөңгелекше ретінде оқыса;
- 3) жауап парағында ақау болғанда.



Оқуға түсушінің өзімен бірге жеке басын куәландыратын құжаты және тестілеуге рұқсаттамасы болуы қажет



ҰБТ-ға қатыспаған және шекті балл жинамаған тұлғалар:

1) тамыз айында ҰБТ тапсырады;

Құжат тапсыру:  ЖОО-ның қабылдау КОМИССИЯСЫ

ҰБТ-ға өтініштерді қабылдау

25 шілде және
3 тамыз аралығы

ҰБТ өткізу

17 және 20 тамыз
аралығы

2) ЖОО-ға 1 (бірінші) академиялық кезең аяқталғанға дейін күндізгі оқу бөліміне ақылы негізде қабылданады.

ЖОО-да білім алудың 1 (бірінші) академиялық кезеңі аяқталғаннан кейін бұл адамдар ҰБТ-ны қайта тапсырады.

ҰБТ-ға өтініштерді қабылдау

1 және 15 желтоқсан
аралығы

ҰБТ өткізу

15 және 20 қаңтар
аралығы

**Тестілеу ақылы негізде өткізіледі.
Құны-2242 теңге**



Конкурсқа өтініштерді
қабылдау мерзімі

10 мен 20 шілде

Конкурсты өткізу мерзімі

21 мен 31 шілде



**Жоғары білімнің білім беру грантын беруге арналған
конкурсқа қатысу үшін оқуға түсуші қабылдау
КОМИССИЯСЫНА:**

- 1) белгіленген үлгідегі бланкіде өтінішті;
- 2) білімі туралы құжатты (төлнұсқа);
- 3) ҰБТ сертификатын;
- 4) 086-У нысаны бойынша медициналық анықтаманы;
- 5) жеке басын куәландыратын құжаттың көшірмесін;
- 6) IELTS, TOEFL ITP, TOEFL IBT халықаралық сертификаттың (бар болған жағдайды) көшірмесін тапсырады.


Конкурс өткізілген кезде балдар тең болған жағдайда басым құқық мынадай кезектілік бойынша беріледі:

- 1) "Алтын белгі" белгісімен марапатталған тұлғалар;
- 2) тізбесін білім беру саласындағы уәкілетті орган айқындайтын жалпы білім беретін пәндер бойынша халықаралық олимпиадалар мен ғылыми жобалар конкурстарының (ғылыми жарыстардың) (бірінші, екінші және үшінші дәрежелі дипломдармен марапатталған), орындаушылардың халықаралық және республикалық конкурстарының және спорттық жарыстардың (бірінші, екінші және үшінші дәрежелі дипломдармен марапатталған) соңғы үш жылдағы жеңімпаздарының, сондай-ақ өздері таңдаған мамандықтар олимпиадалардың, конкурстың немесе спорттық жарыстың пәніне сәйкес келген жағдайда, жалпы білім беретін пәндер бойынша ағымдағы оқу жылында президенттік, республикалық олимпиадалар мен ғылыми жобалар конкурстарының (бірінші, екінші және үшінші дәрежелі дипломдармен марапатталған) жеңімпаздары;
- 3) жетім балалар мен ата-анасының қамқорлығынсыз қалған балалар, сондай-ақ кәмелетке толғанға дейін ата-аналарынан айырылған немесе ата-анасының қамқорлығынсыз қалған жастар қатарындағы Қазақстан Республикасының азаматтары, бірінші және екінші топтардағы мүгедектер, жеңілдіктері мен кепілдіктері бойынша Ұлы Отан соғысының қатысушылары мен мүгедектеріне теңестірілген тұлғалар, медициналық қорытындыға сәйкес тиісті білім беру ұйымдарында оқуға қарсы айғақтары жоқ бала кезінен мүгедектер, мүгедек балалар және үздік білімі туралы құжаттары (куәліктері, аттестаттары, дипломдары) бар тұлғалар.



Дайындық бағыттарының жаңа жіктеуішін енгізуге
байланысты гранттар білім беру бағдарламаларының
топтарына бөлінеді.

Мысал:



ҚР жоғары және жоғары оқу орнынан кейінгі білім жіктеуіші бойынша мамандықтар (2009 ж.)



Бейіндік пәндер сәйкес келген жағдайда оқуға түсуші **бір білім саласының** ішінде білім беру бағдарламаларының төрт тобына дейін көрсете алады.



Жоғары оқу орындарына (ЖОО) түсу және жоғары білімнің білім беру гранттарын беруге арналған конкурсқа қатысу ҰБТ нәтижесі бойынша:

- ұлттық жоғары оқу орындарына – кемінде 65 балл;
- "Педагогикалық ғылымдар", "Ауыл шаруашылығы және биоресурстар", "Ветеринария" білім беру салалары бойынша – кемінде 60 балл
- басқа жоғары оқу орындарына – кемінде 50 балл;
- "Денсаулық сақтау және әлеуметтік қамтамасыз ету (медицина)" білім беру саласы бойынша – кемінде 65 балл

Оның ішінде шығармашылық даярлықты талап ететін жоғары білімнің білім беру бағдарламаларына түсушілерді қоспағанда, Қазақстан тарихы, математикалық сауаттылық, оқу сауаттылығы – оқыту тілі бойынша – кемінде 5 балл және әр бейіндік пәннен кемінде 5 балл жинау қажет.

Шығармашылық даярлықты талап ететін жоғары білімнің білім беру бағдарламаларына түсушілерді қоспағанда, оқытудың қысқартылған мерзімін көздейтін жоғары білімнің ұқсас білім беру бағдарламаларының тобы бойынша білім беру бағдарламалары топтарына түсушілерге ҰБТ нәтижесі бойынша – кемінде 25 балл, оның ішінде жалпы кәсіптік пәннен – кемінде 5 балл және арнайы пәннен – кемінде 5 балл жинау қажет.





Шығармашылық емтихандар

Шығармашылық дайындықты талап ететін жоғары білім берудің білім беру бағдарламалары топтары бойынша оқуға қабылдау одан әрі оқыту жоспарланып отырған жоғары оқу орнында жүзеге асырылады.

Бұл ретте баллдар ескеріледі:

1. Қазақстан Тарихы;
2. Оқу сауаттылығы.



Екі шығармашылық емтихан.

Әрбір шығармашылық емтихан бойынша максималды балл - 40 балл.

Қысқартылған мерзімін көздейтін түсушілер үшін:

Арнайы пән



Бір шығармашылық емтихан.

Шығармашылық емтихан бойынша максималды балл - 50 балл.

Шығармашылық емтихан тапсыру үшін өтініштер қабылдау

20 маусым мен 7 шілдеге аралығы

Шығармашылық емтиханның өтуі

8 мен 13 шілде аралығы

Шығармашылық дайындықты талап ететін білім беру бағдарламаларына түсушілер білім беру бағдарламаларының бір тобы бойынша білім беру грантын беру конкурсына қатысады және шығармашылық емтихан тапсырған ЖОО-ны өтінішінде көрсетеді.

Арнайы емтихандар

Педагогикалық ғылымдар

Денсаулық сақтау және әлеуметтік қамтамасыз ету (медицина)

Қабылдау және өткізу

20 маусымнан 14 тамыз аралығы

1 сәуірден 15 маусым аралығы

Жоғары оқу орындарында

ҚР Барлық медициналық ЖООларда

Келесі критерийлер бойынша бағаланады:

Жіберілді (Допуск)



Жіберілмеді (Недопуск)



Студенттерді ЖОО-ға қабылдауды ЖОО-ның қабылдау комиссиялары күнтізбелік жылғы 10 - 25 тамыз аралығында өткізеді.

Оқуға түсушілер ЖОО-ның қабылдау комиссиясына
қабылдау туралы өтінішпен бірге:

- 1) жалпы орта білім туралы құжатын (төлнұсқа);
- 2) 3 x 4 сантиметр көлеміндегі 6 фотосуретін;
- 3) 086-У нысанындағы медициналық анықтаманы;
- 4) ҰБТ сертификатын;
- 5) ведомостан үзіндіні (арнаулы және (немесе) шығармашылық дайындықты талап ететін, оның ішінде «Педагогикалық ғылымдар» және «Денсаулық сақтау және әлеуметтік қамтамасыз ету (медицина)» білім беру саласы бойынша жоғары білімнің білім беру бағдарламаларына түсушілер үшін);
- 6) білім беру грантын тағайындау туралы куәлікті (бар болса);
- 7) IELTS, TOEFL ITP, TOEFL IBT халықаралық сертификатын (бар болса) қоса береді.

